

Deporte Local

Brazil Taekwondo Stichting ta informa:

Hakeem Lowe y Jourdé Klabér a gana medaya di brons na Bolivia



ORANJESTAD (AAN)--- Diabierna durante di dia Hakeem Lowe y Jourdé Klabér kendenan a biaha diahuebs pa Bolivia pa participa na e Open di Bolivia G1 di ranking a bringa. Hakeem Lowe tabata tin esaki como su preparacion pa e Campeonato Mundial na Azerbaijan den luna di Juli. Hakeem Lowe a bringa contra di Marino Diego Massi Lizarraga di Bolivia pa brons. Hakeem Lowe a start masha bon atacando Marino Diego Massi Lizarraga na unda cu Hakeem Lowe a pone Marino Diego Massi Lizarraga bao di presion y e prome rond a termina cu un score di 4-2 na favor di Hakeem Lowe.

Den e di dos rond Hakeem Lowe a perde su oreanan, dus e no tabata scucha for di su coach y a perde control di su pelea lagando Marino Diego Massi Lizarraga hinca puntonan innecesario y Marino Diego Massi Lizarraga a subi e score na 7-5 na su favor.

Den e ultimo rond Hakeem Lowe a trata di bin bek pero e oreanan a keda atras y Hakeem Lowe a score 4 punto na unda cu esaki a yega te cu 9 punto, mientras cu Marino Diego Massi Lizarraga a hinca mas punto durante di e intercambio di scopmento. E rond a termina na 12-9 pa Marino Diego Massi Lizarraga cu si a sigui pa e final. Hakeem Lowe no a keda contento cu su derota na unda cu Hakeem Lowe a termina na e di 3er lugar.

Jourdé Klabér a topa cu Juan Ignacio Ituarte for di Argentina y ambos mester a bringa pa medaya di brons pa wak kende lo a sigui pa final. Jourdé Klabér a cuminsa bringa den buskeda di puntonan mescos cu Juan Ignacio Ituarte for di Argentina. Manera cu Jourdé Klabér a score un punto Juan Ignacio Ituarte tambe tabata score punto. E prome rond a termina cu un score di 5-5, den e di dos rond tabata e mesun cos na unda cu esaki a termina 7-7, den e di 3er rond Jourdé Klabér a perde su oreanan tambe y no tabata scucha for di su coach y Juan Ignacio Ituarte a probecha di e situacion y a score ariba Jourdé Klabér te cu e score a yega 12 punto. Jourdé Klabér a trata di score pero esaki tabata en vano y Jourdé Klabér a logra 9 punto. Juan Ignacio Ituarte a sigui pa e final y Jourdé Klabér mester a keda cu su medaya di Brons.

